

石舍人玉休因避暑有襜褕樵夫持斧而前眉目秀整議論清
快石問鄉里及世系曰老夫生於河南移居於終南山呂渭之
裔也所學者莊子老子此外無所爲石曰終南有何佳處曰佳
處甚多因舉陶隱居詩曰終南何所有所有惟白雲祇可自怡
悅不堪持贈君石異之款留三月極談出有入無超生離死之
法將別曰吾將往岳陽以丹一粒遺石服之年九十餘面如嬰
兒

巴陵犯節

呂帝行巴陵市知太守清醅欲化之候其出故犯其節前驅執
之太守置諸獄令書款曰將哺無一辭吏趣之帝君曰須我酒

道藏輯要

聖蹟紀要

五

壁集五
水月川

醒吏曰汝不憂罪尙以酒爲解耶言未竟忽失去但遺詩曰暫
別蓬萊海上遊偶逢太守問根由身居北斗星杓下劍挂南宮
月角頭道我醉來真箇醉不知愁是怎生愁相逢何事不相識
卻駕白雲歸去休太守驚曰此呂翁也夙興焚香謝過一日於
水盆中見焉亟召畫吏圖之與滕子京本絕類也

再詣子京

滕子京守巴陵呂帝稱呂處士再詣子京與論名勝引道經云
兩火一刁可以逃的係何所帝君曰言剡中諸山可以避災故
漢晉以來多隱逸之士括蒼天姥是其處子京曰按會稽籍天
姥在剡之東鄙接天台華頂峯旣入括州何云吳地曰禹導吳